

JEREMIASHI

Ikamantantakera Jeremiashi

26 ¹Antari itsititanakerora Joasume^a itomi Josuashi ipegakara igoveenkariegite iyashikiiganakerira Jora yogari Tasorintsi iniakeri kamantantatsirira Jeremiashi ²ikantiri: “Piate ovampatuireku novanko paratinkakera piniaigakerira maganiro iyashikiiganakerira Jora poniageigankicharira parikotipageku impaigakenara magatiro yamageigakenarira. Pinkantaigakerityo magatiro nokantakempirira, garatyo pogavisumati patiro. ³Ariorika inkemaigake irapakuai-ganaero yovetsikagisevageigakerira terira onkametite impo naro gara nokisashiigari, panikyatari nonkisaviigakeri yovetsikaigakerira maika. ⁴⁻⁶Onti pinkantaigakeri: ‘Ikantake Tasorintsi: Garika pikematsaigana pintsatagaigakerora nokantagetirira notsirinkakagantaigakempirira ontiri aikiro ikantaigakempirira kamantantaigatsirira narori nogimamerinkakero novanko nonkañotagakemparora Suro^b onavetara novanko pairani. Nonkisashivagetakemparotyto kara Jerosaren ampagiteakovagetanakempatyto onkemakotakenkanira impo tyanirika kogankitsine inkisashitakemparira pashini ontinkantake: Nonkañotagakempirotyto Jerosaren. Nokantaigavetakaritari kamantantaigatsirira kematsaiganarira inkamantaigakempira magatiro nokantakerira naro, itsitivageiganakeroni pairani

kigonkero maika, kantankicha viroegi teratyto pinkematsaigeri.’”

⁷Impo iatake Jeremiashi ivankoku Tasorintsi ikamantaigakerira maganiro ikantakeririra Tasorintsi itsotenkasanotakerotyto kara. ⁸Antari ikemaigakerira yogaegi saseroroteegi intiegiri kamantantaigatsirira matagavageigacharira intiri aikiro maganiro naigankitsirira kara yairikaigakeri ikantaigiri: “iMaika irogaitakempityo! ⁹iAntari gara pikañotiro maika pikantakera: ‘Ikantake Tasorintsi irogimamerinkakerora ivanko inkañotagakemparora Suro onavetara ivanko pairani, ontiri aikiro Jerosaren ogimamerinkakenkanira gara tyani timantumataaro!’” Maganirosanotyto yapatoventaiganakari ikisaigakerira.

¹⁰Antari ikemaigakera itinkamiegi iyashikiiganakerira Jora naigankitsirira ivankoku koveenkari ishigaiganakiaigakera ivankoku Tasorintsi ipitaigapaakera sotsimoroku paitacharira Okyarira. ¹¹Yogaegiri saseroroteegi intiegiri kamantantaigatsirira matagavageigacharira iniaigavakeri iriroegi intiegiri aikiro maganiro naigankitsirira kara ikantaigiri: “Kametitaketoyo irogakenkanira yoga, ikantaketari ogimamerinkakenkanira Jerosaren, maganirotari pikemaigakeri viroegi.”

¹²Kantankicha yogari Jeremiashi iniaiganakerityo itinkamiegi intiegiri maganiro naigankitsirira kara ikantaigiri: “Intitari kantakena Tasorintsi nonkaman-

taigakempira magatiro nokantaigakempirira maika. ¹³Maikari maika atsi pampakuaiganakerora povetsikagisevageigakerirra pinkematsaiganakerirra Tasorintsi shintaigimpirira. Antari pinkañoigakempirika maika ario pinkante gara itsatagiroy ikantakerira. ¹⁴Kantankicha narori ¿ario tyara nonkante? Tyarika pinkantaigakena kametitaketyo, virompaegityo. Pikogaigakerika pogaigakenara gaigenatyoy, ¹⁵kantankicha nokogake pogoigakera pogaigakenarika ontityo pogaigakena kogapage, arisanotari inti kantakena Tasorintsi nonkamantaigakempira nokantaigakempirira maika. Antari pogaigakenarika viroegityo kañotagantagankichane, aikiro pinkañoitagantaigakerityo maganiro timaigatsirira aka Jerosarenku.”

¹⁶Impo iniaiganake itinkamiegi intiegiri maganiro naigankitsirira kara ikantaigiri saseroroteegi intiegiri kamantantaigatsirira matagavageigacharira ikantaigiri: “Tera onkametite irogakenkanira, ontitiri ikamantaigakai ikantakerirra Tasorintsi akematsaigirira aroegi.”

¹⁷Impo ikaviriiganaka igantagarira yantariigi pairani iniaigakeri maganiro ikantaigi: ¹⁸“Pairani aiñokyara ipega koveenkari Esekiashi ikamantantake kamantantatsirira Mikeashi Moresetokunirira. Irirori ikantakeri koveenkari Esekiashi intiegiri maganiro ikanti: ‘Ikantake Tasorintsi shintaigaririra maganiro enokunirira ikanti: Ogimamerinkasanotakenkanityo Shion ontiri Jerosaren ontiri aikiro novanko.’ ¹⁹Antari ikantakera maika ¿matsi ario yogavita-keri koveenkari Esekiashi? ¡Teratyoy! Ario ikañoigaka maganiro teratyoy irogaviigeri. Ontityo itsarogaiganake ipinkaiganakeri Tasorintsi impo iniaigakeri. Impo irirori ikemaigakeri itsarogakagaiganakari tera

inkisashiigempari. Maikari aroegi ¿matsi ario akogaigake inkisashiigakaera Tasorintsi nerotyoy agaviigakerira Jeremiashi ikamantaigakaira ikantakerira Tasorintsi?”

²⁰Itimake aikiro pashini kamantantatsirira paitacharira Oriashi. Inti tomintari Semaishi poniankicharira Kiriatejearimeku. Irirori ikamantantake ikanti: “Ikantake Tasorintsi irogimamerinkakerora Jerosaren inkisashiigakempira maganiro viroegi.”

Ikañotagasanotakarotyoy ikantakerira Jeremiashi ²¹ovashi ikemakeri koveenkari Joasume intiri inampinaegi intiegiri aikiro itinkamiegi iyashikiiganakerira Jora. Impo yogari Joasume ikogavetaka irogakerimera, kantankicha irirori ikemakera itsaroganake ishiganaka iatake Ejipitoku. ²²Yogari Joasume itigankakeri Erenatan itomi Akavoro itentaiganakarira pashini iaigakera Ejipitoku ²³yagaigaatirira. Impo imokoroakagantakeri Joasume iokakagantakeri iokaganira ikamaigira terira impaitumaigempa. ²⁴Kantankicha yogari Aikame itomi Sapan ipugamenta-akeri Jeremiashi ganiri imatagani irirori.

Jeremiashi itsirinkaigakenerira yamaiganunkanirira Vavironiaku

29 ¹Impogini yogari Jeremiashi itsirinkaigakeneri maganiro yamaiganunkanirira Vavironiaku. ²Inti itsirinkaigakene itinkamiegi iseraereegi terira inkamaige intiegiri aikiro saseroroteegi intiegiri kamantantaigatsirira maganiro. ³...Antari itsirinkakera okanti: ¹⁰“Ikantake Tasorintsi: ‘Antari pishiriaga-koigakempara 70 shiriagarini anta Vavironiaku nonkenkiaigaempi nontsatagakerora magatiro nokantaigakempirira pairani namaiganaempira anta pigipatsie-

giteku. ¹¹Teranika iroro nonkoge naro nonkisashiigakempira nompogereaigakempira, ontityo nokogake nonkavintsaa-vageigakempira nampatoitaigaempira anta pigipatsiegiteku. ¹²Impogini piniaigakenara, narori nonkemaigakempityo. ¹³Antari ompaitasanotakempara pinkogakera pinkematsasanoigakenara ario pinkante nonimoigaempityo. ¹⁴Antari nonimoigaempira namaiganaempi anta pigipatsiegiteku nampatoitaigaempira pimponiageigamataempatyo parikotipageku tyarika kara nokaigavetakempira notivarokagiseigavetakempira.’”

Tasorintsi iniairira Jeremiashi

32 ¹Impogini aganaka 10 shiriagarini ipegakara Serekiasihi igoveenkariegite iyashikiiganakerira Jora. ^dYogari Navokoronosore onti ishiriagakotanaka 18 shiriagarini ipegakara igoveenkariegite Vavironiakunirira. ²Yogari isoraroegite año yonkuatakoigakaro Jerosaren. Yogari Jeremiashi año yashitakotunkani anta ivankoku Serekiasihi yashitakotaganira ikisaigirira irirori. ³Ontitari ikisavitakeri ikamantan-takera ikantakera: “Ikantake Tasorintsi: ‘Yogari isoraroegite Navokoronosore, igoveenkariegite Vavironiakunirira, iragaveaigakeri maganiro timaigatsirira Jerosarenku, narotari kantankitsi onkañotakempara maika. ⁴⁻⁵Imromanave-tavakempari Serekiasihi impugamentave-takempara, kantankicha gara yagavei, nantitari kantankitsi. Yogari isoraroegite Navokoronosore iragaiganakeri iramaiganakerira Vavironiakunirira impaigapaerira igoveenkariegite. ^eKantakani irinakera anta kigonkero nonkisashitakerira inkamanakera.’”

²⁶Impogini yogari Tasorintsi iniairi Jeremiashi ikantiri: ²⁷“Nantitari Tasorin-

tsisanorira vetsikaigakeririra maganiro matsigenka. Teratyo ontimumate komutapitsatakenanerira. ²⁸Irorotari maika yogaegiri karereoegi intiri Navokoronosore igoveenkariegite Vavironiakunirira iragaveaigakeri Jerosarenkunirira irashintaigakemparira. ²⁹Impo impogeigakero ivankoegi intenta-gantaigakemparora ivankoegi tsimajaigakenarira itagaiginirira Vaare kasankapaneri otishitapankoku ivanko, aikiro isaiginirira vino pashinipage ipegageigirira itasorintsite. ^f³⁰Maganirotari iseraereegi tera irovetsikumaike kameti, irashitari yogaigakero okyara ikañoigakara maika yovetsikagisevageigakera terira onkametite yotsimajaigakenara.

³⁷“Kantankicha impoginityo nampatoitaigaeri imponiageigamataempatyo parikotipageku tyarika kara nokaigavetakarira nokisaigakerira yotsimajaigakenara. Namaigaeri aka nontimakagaigaeri kameti intimagantsivageigaera garatyo tyani veraimaigairi. ³⁸Iriroegi inkematsasanoigakena, narokya pugamentaigakerine.

³⁹Ovashi impanirotasananakenara naro inkematsaigakenara, narotari niasurentaigakerine kameti inkogaigakeniri inkañoigakempara maika, aikiro inkantakanira impinkatsavageigakena kameti nonkavintsaavageigakerira iriroegi intiegiri aikiro iyashikiiganakerira intimagantsivageigakera kameti. ⁴⁰Impo garatyo nokumai-gairi, onti nonkantakani nonkavintsaavageigakeri. Impinkasanoigakenatyo kara inkantakanityo inkematsavageigakena intsatagaigakerora magatiro nonkantaigakeririra, narotari niasurentaigakerine kameti inkañoigakempara maika. ⁴¹Noshinevetakempatyo kara nonkavintsaavageigakerira nontimakagaigakerira kameti intimagantsivageigakera aka kipatsiku nopaigakeririra.”